



JAVNO PREDUZEĆE
ŠUMSKO PRIVREDNO DRUŠTVO
ZENIČKO - DOBOJSKOG KANTONA
d.o.o. ZAVIDOVIĆI

JP "ŠPD ZDK" d.o.o. Zavidovići

Upisano u Registar Kantonalnog suda u Zenici pod
brojem I-9014, Rješenje br. U/I 916/04
ID broj: 4218431050005
PDV Broj: 218431050005 Por. br.: 05072148
Transakcijski računi:
Union banka d.d. Sarajevo 1020320000013296
ASA Banka d.d. Sarajevo 1340300000062287
Unicredit Bank d.d. Mostar 3384202214508407
Raiffeisen BANK d.d BiH 1610550016400016

Broj: 18-11/25

Zavidovići, 08.07.2025. godine

Na osnovu člana 68. stav 4 točka i) i člana 69. stav 2. točka d), Zakona o javnim nabavkama BiH (Službeni glasnik BiH, br. 39/14, 59/22. 50/24.), a shodno 3. Zapisniku o pregledu i ocjeni ponuda, broj: 18-10/25. od 08.07.2025. godine, direktor društva donosi:

O D L U K U o poništenju postupka javne nabavke

Član 1.

Odbacuju se ponude ponuđača „Sarajevo osiguranje“ d.d. Sarajevo, broj: 03-1846/25 „Croatia osiguranje“ d.d. – PJ Sarajevo, broj: 03-1856/25, „Euroherc osiguranje“ d.d. Sarajevo - Podružnica Travnik, broj: 03-1860/25. i poništava se postupak javne nabavke, broj: **18/25 – Usluga osiguranja motornih vozila**, koji je objavljen na portalu Agencije za javne nabavke broj: 360-1-2-84-3-66/25, iz razloga utvrđenih članom 68. stav 4 točka i) i člana 69. stav 2. točka d), Zakona o javnim nabavkama BiH (Službeni glasnik BiH, br. 39/14, 59/22. 50/24.)

Član 2.

Ova odluka stupa na snagu danom donošenja.

O b r a z l o ž e n j e

Na osnovu javnog poziva broj 18/25 – Usluga osiguranja motornih vozila, za potrebe JP „ŠPD ZDK“ d.o.o. Zavidovići, proveden je postupak prikupljanja i ocjene ponuda.

U predmetnom postupku pristigle su 3 ponude i to od ponuđača:

- „Sarajevo osiguranje“ d.d. Sarajevo,
- „Croatia osiguranje“ d.d. – PJ Sarajevo,
- „Euroherc osiguranje“ d.d. Sarajevo - Podružnica Travnik.

Komisija je izvršila pregled i ocjenu ponuda o čemu je sačinjen Zapisnik o pregledu i ocjeni ponuda broj: 18-1/25 od 24.4.2025. godine, te predložila donošenje odluke o izboru najpovoljnijeg ponuđača.

Na osnovu rezultata rada i preporuke komisije Ugovorni organ je donio Odluku o izboru najpovoljnijeg ponuđača broj: 18-2/25 od 5.5.2025. godine kojom je ponuđač „Sarajevo osiguranje“ d.d. Sarajevo izabran za najpovoljnijeg ponuđača u postupku.

Ponuđač „Euroherc osiguranje“ d.d. Sarajevo - Podružnica Travnik nakon traženog i izvršenog uvida izjavio žalbu na Odluku o izboru najpovoljnijeg ponuđača sa prijedlogom da se žalba usvoji te postupak vrati na ponovnu ocjenu ponuda. Žalbeni navodi se uglavnom odnose na stav

da su ponuđači imali mogućnost i obavezu uvida u registar šteta te za nekoliko pozicija u ponudi ponuditi premije u skladu sa tom činjenicom, odnosno novonastalim bonitetnim procentom, te da su kao ponuđači stavljeni u nepovoljan i diskriminirajući položaj u tom smislu.

Ugovorni organ žalbu nije smatrao osnovanom te je žalbu i izjašnjenje na žalbene navode, broj: 18-4/25, od 20.05.2025. godine dostavio Uredu za razmatranje žalbi u nadležnost.

Rješavajući predmetnu žalbu Ured za razmatranje žalbi je donio Rješenje broj: JN2-03-07-1-788-6/25 od 2.6.2025. godine. Navedenim rješenjem se usvaja žalba žalitelja "Euroherc osiguranje" d.d. - Podružnica Travnik kao osnovana i poništava Odluka o izboru najpovoljnijeg ponuđača broj: 18-2/25 od 5.5.2025. godine, te se predmet vraća Ugovornom organu na ponovni postupak. U obrazloženju Rješenja se navode razlozi za ovakav stav.

Stav Ureda je da je žalitelj u postupku pravne zaštite učinio vjerojatnim postojanje povrede postupka odnosno povrede primjene materijalnog prava, dok ugovorni organ neadekvatnim obrazloženjem nije dokazao neosnovanost žalbenih navoda kojima se osporava ponuda izabranog ponuđača.

Zbog toga je Ured za žalbe donio rješenje kojim se žalba usvaja i predmet vraća ugovornom organu na ponovni postupak u kojem će postupiti u skladu sa stavovima ovog organa i donijeti novu odluku u skladu sa Zakonom o javnim nabavama i podzakonskim aktima i Odlukom o načinu utvrđivanja tarife premije i cjenovnika za osiguranje vlasnika vozila od odgovornosti za štetu prouzrokovanu trećim licima (Sl.novine F BiH broj:77/20, 42/22, 85/22, 56/23 i 69/23).

Unatoč stavu iz prethodnog dijela postupka u kojem je Ugovorni organ uvjeren u zakonitost postupka i ispravnost donesene odluke, nakon analize Rješenja po žalbi žalitelja "Euroherc osiguranje" d.d. Sarajevo - Podružnica Travnik izvršio ponovnu analizu propisa, Tenderske dokumentacije te detaljnu analizu ponuda svih ponuđača u postupku.

Formalna ispravnost ponuda, odnosno sadržaj ponuda u odnosu na zahtjeve iz Tenderske dokumentacije, nije ponovo utvrđivana iz razloga što nije bila predmetom žalbenih navoda.

Posebno su sagledane ponudene vrijednosti premija po pojedinačnim stavkama svih ponuda, te ocjena vrijednosti premije za sve stavke u skladu sa Odlukom o načinu utvrđivanja tarife premije i cjenovnika za osiguranje vlasnika vozila od odgovornosti za štetu prouzrokovanu trećim licima (Sl.novine F BiH broj:77/20, 42/22, 85/22, 56/23 i 69/23), što je detaljno navedeno u zapisniku o pregledu i ocjeni ponuda broj 2, broj:18-5/25, od 20.06.2025. godine.

Uvažavajući obavezu poštivanja postupka propisanog Zakonom o javnim nabavkama i podzakonskim aktima, odredbi Tenderske dokumentacije, te na osnovu Rješenja po žalbi obaveze poštivanja odredbi Odluke o načinu utvrđivanja tarife premije i cjenovnika za osiguranje vlasnika vozila od odgovornosti za štetu prouzrokovanu trećim licima (Sl.novine F BiH broj:77/20, 42/22, 85/22, 56/23 i 69/23), stav Komisije je da činjenično stanje u predmetnom postupku ne može obezbijediti okončanje postupka dodjelom ugovora, a bez diskriminirajućeg odnosa spram ostalih ponuđača u postupku.

Zbog obaveze poštivanja odredbi Odluke o načinu utvrđivanja tarife premije i cjenovnika za osiguranje vlasnika vozila od odgovornosti za štetu prouzrokovanu trećim licima (Sl.novine F BiH broj:77/20, 42/22, 85/22, 56/23 i 69/23) na osnovu Rješenja po žalbi stvorena je mogućnost i obaveza sagledavanja prihvatljivosti i ispravnosti pojedinačnih stavki iz ponuda, na osnovu čega je Komisija stala da su sve tri ponude nepravilne.

Ugovorni organ – Uprava društva je dana 03.07.2025. godine u skladu sa svojim ovlaštenjem u 2. Zapisniku o pregledu i ocjeni ponuda broj: 18-5/25, od 20.06.2025. godine, iznjela stav da

je potrebno od ponuđača zatražiti obrazloženje za neprirodno niske cijene, a sve u skladu sa članom 66. stav 1. Zakona o javnim nabavkama BiH ("Službeni glasnik BiH", broj: 39/14, 59/22 i 50/24). Uzimajući u obzir mišljenje službenika za javne nabavke u predmetnom postupku, analizirajući propise i navedeni prijedlog uprave društva, komisija je stava da nema osnova za podnošenje zahtjeva za objašnjenje o neprirodno niskim cijenama u ponudama ponuđača za predmetni postupak.

Zakonski osnov za odbacivanje sve tri ponude i poništenje postupka broj: 18/25 - Usluga osiguranja motornih vozila u JP "ŠPD ZDK" d.o.o. Zavidovići, je član 68. stav (4) tačka i) i član 69. stav 2. pod d) Zakona o javnim nabavkama, odnosno Komisija je ustanovila da ponuđači nisu dostavili ponude u skladu sa tenderskom dokumentacijom.

Zbog navedenog donosi se Odluka o poništenju postupka javne nabavke broj 18/25- Usluga osiguranja motornih vozila za potrebe JP "ŠPD ZDK" d.o.o. Zavidovići.

Pouka o pravnom lijeku:

Protiv ove Odluke može se uputiti Žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi putem Ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka uz dokaz iz člana 105. stav (1) tačka i) Zakona o javnim nabavkama (Službeni glasnik BiH br: 39/14, 59/22 i 50/24) o plaćenju naknade za pokretanje žalbenog postupka u iznosu propisanom članom 108. Zakona o javnim nabavkama (Službeni glasnik BiH br: 39/14, 59/22 i 50/24), na osnovu kojeg se može nesumnjivo utvrditi da je transakcija –naknada izvršena.



DIREKTOR

Turić Adnan, dipl. ing. šum